

欽定四庫全書

子部
集驗背疽方

詳校官太醫院醫士 臣舒岱

編修臣倉聖脈履勛

謄錄監生 臣黃維



欽定四庫全書	子部五
提要	
集驗背疽方一卷	醫家類
<small>臣</small> 等謹案集驗背疽方一卷宋李迅撰迅字嗣	
立泉州人官大理評事以醫著名此書見於陳振	
孫書錄解題稱所集凡五十三條其議論詳盡曲	
當馬端臨經籍考亦著於錄而題作李逸撰與	
書錄解題不合今案此書前有郭應祥序亦云	
欽定四庫全書	集驗背疽方
嗣立名迅則通考誤也背疽為患至鉅俗醫	
剽竊一二丹方或妄施刀針而於受病之源	
發病之形及夫用藥次第節宣禁忌之所宜	
俱置不講故天闕者十恒八九今迅所撰於	
集方之前俱系以論說凡診候之虛實治療	
之節度無不斟酌輕重辨析毫芒使讀者瞭	
如指掌中如五香連翹湯內補十宣散加料	
十全湯加減八味丸立效散之類皆醇粹無	



<p>疵足稱良劑至忍冬丸與治乳癰發背神方 皆祇金銀花一味用藥易而收功多於窮鄉 僻壤難以覓醫或貧家無力服藥者尤為有 益洵瘍科中之善本矣謹從永樂大典中採 掇衰訂仍為一卷其麥飯石膏及神異膏二 方乃諸方中最神妙者而永樂大典乃偶佚 之今據蘇沈良方及危亦林得效方補入又 赤水元珠亦載有神異膏方與得效方稍有 不同今並列之以備參攷焉乾隆四十六年 九月恭校上</p>	<p>欽定四庫全書 集驗背疽方</p>	<p>總纂官 臣 紀昀 臣 陸錫熊 臣 孫士毅</p>	<p>總校官 臣 陸費墀</p>
--	-------------------------	-----------------------------	------------------



李氏集驗方序

始予奉親携幼來官泉江未入境首問邑有良醫師乎
又問市有佳藥肆乎或對以醫固不乏人而庸庸者實
多藥肆僅一二數然稍貴細者則缺焉予謂二者老幼
所依以為命也今顧若此其奈之何哉或曰邑有李嗣
立廷評者廣收方書多蓄藥味有問方者必告有求藥
者必與了無吝色厥心予固私竊慶幸時方至旅見亦
未暇詢及也久之嗣立來請問與之款語見其持心近

欽定四庫全書

集驗背疽方

厚非愛人利物之言不談叩以難素脉訣病源等書其
應荅如流厥後家人子或有病疏方惠藥雖數數不憚
煩凡三年間不醫之求而唯嗣立之謁一日嗣立出示
一編曰此治背瘡方也今人例以此為惡疾悉付之外
科而邈不加之意不知治療之失宜蓋未有能得全其
生者某於此究心有年所治甚衆君能捐二三萬錢刻
板流布不猶愈於刊他書乎予且圖之會有黃冠師曰
劉道淵者主邑之太霄觀忽得此疾劉素號曉方脉得



<p>嗣立之書而敬信之凡服藥次第悉按書以從事不兩月遂獲安子益信其書之有驗乃為之序其首嗣立名迅以儒傳家父兄相繼收科子弟亦登名賢書鄉評翕然推重予與其兄嗣宗嘗同校長沙試契分為不薄又有鍼膏起廢之功故樂為之成其志云郭應祥序</p>	<p>欽定四庫全書</p> <p>集驗背疽方</p>		
--	----------------------------	--	--



欽定四庫全書

集驗背疽方

宋 李迅 著

背疽之方所傳百餘然有驗者極少其間又有用藥偏重或太冷或太熱或藥性有毒者今皆不錄獨擇嘗用而經驗者錄之庶幾不至有悞活人治病之意

背疽其源有五

天行一瘦弱氣滯二怒氣三腎氣虛四飲法酒食炙燂物服丹藥熱毒五蓋治背疽不可一槩將為熱毒其治之法難易當自一而五

欽定四庫全書

集驗背疽方

察疽發有內外之別

初發疽時一粒如麻豆大身體便發熱生疽處肉亦熱腫大而高多生疼痛破後肉色紅紫此為外發雖大若盆盪如用藥有理百人百可活

如初發疽時不拘小大身體無熱自覺倦怠生疽處亦不熱數日之間漸漸開大不腫不高不疼不痛低陷而壞爛破後肉紫黑色此為內發有此證者未發見之先



藏府已先潰爛百人百不救雖有神僊藥亦付之無可奈何

審內證用藥

自瀉嘔吐不飲食診脉而腎脉最虛此等古人皆以為不治之證然尚有救療之理

服補藥捷徑

腎脉虛甚當用補藥而有牴牾處如用鹿茸附子之藥是抱薪救火如用平補之藥則腎氣又猝難平復若俟

欽定四庫全書

集驗背疽方

河之清向來有一貴人苦疽疾正生此一症諸醫無策愚云昔嘗聞一名醫講論凡人遇五更初腎氣必開若一語言咳嗽即腎氣復合遇腎開時進一服平補藥其功效勝尋常服峻補之藥十數服愚以此策獻之遂選用山藥丸所用皆平補腎氣全無僭燥偏重之藥依法而進詳以告病者與其侍傍之子弟如法而服藥三日之後醫者診脉知其腎脉已平復矣則有疽疾人腎脉虛弱未可便如古人之論以為不可治若人有痼冷



虛弱危困之疾如其法而用藥所謂用力寡而收功倍
矣案山藥丸缺

疽發所在有不可治者

腦上諸陽所會穴近腦則髓出頸項上近咽喉藥餌飲
食之所通一有所礙兩不能進腎俞上與腎相抵命之
所繫穴即透空又不可著艾三處有疽並為難治

戒忌

作勞叫怒嗜慾飲食如乾濕麪炙燻淹藏法酒生冷滯

欽定四庫全書

集驗背疽方

膩魚羊並不可食性熱者發熱冷者損脾腎毒者發病
皆當戒之病者之房深戒有腋氣人并有孕婦人月經
行婦人入房合藥亦忌此等人見又忌雞犬貓兒見之
已上戒忌已安後半載間血氣未定猶當謹戒不廢藥
餌方能保全

疽瘡之方有驗者載於方書然有貧乏無錢買藥又有
適居僻邑草市難得藥材只得服鷺鷥藤酒繼以麥
飯石膏塗傅神異膏貼之亦屢用取效若無麥飯石膏



如田夫野人只用神異膏亦可

麥飯石膏

案此方原缺今從蘇沈良方補入

白麥飯石

色黃白類麥飯者尤佳炭火燒赤醋中浸之十遍研白薇末 與石等分

鹿角

不用自脫者須元帶腦骨者截用二三寸炭火燒至烟盡為度杵為末依前二味

右並搗為末取多年米醋於鉢中煎令魚眼沸即下

前件藥末調如稀餈以篋子塗傅腫上只當瘡頭

留一指地勿令合以出熱氣如未膿當內消若已

作頭當撮小若日久瘡甚肌肉損爛筋骨出露即

欽定四庫全書

集驗背疽方

布上塗藥貼之乾即再換但以鬲中穴無不瘥其

瘡切忌手觸宜慎之

麥飯石膏論

麥飯石膏治背疽之疾神妙莫比惜乎世人罕有能知

者然古方所載用藥制度略而不詳則其間藥材不真

修製苟簡自是致其無驗非方之誤也愚親見一貴

人有此疾醫者用麥飯石膏塗貼不惟無效又且添痛

楚更以毒藥盒之膿亦不潰晝夜疼痛不得安寢瘡逐



日開大寢至兩脇又於咽喉脚膝間遍發數疽醫者盡以為不可治療愚雖預備此藥選擇修製既良且精而未敢使用俟諸藥縮手試以用之一夕之間疼痛盡止膿血俱潰來如湍水病者安寢衆皆驚愕以謂別有神藥不察止於麥飯石膏也疽疾須得膿血潰散之多即使毒氣隨膿血出不至內傷藏府病者得安有一庸醫見膿不潰遂打兩錫管欲插入疽以口吸出其膿愚謂用此則病者必不可救力沮其說又用薦蓆開其一竇使

欽定四庫全書

集驗背疽方

病者仰臥以取膿此說不可諫因令試之膿亦不來後卒用愚所合麥飯石膏而取效自此而後鄉間有此疾者來下問因錄此方俾擇修合盡取十全之功愚故詳著之

一癰初作之時便合用麥飯石膏四圍塗傅以護其根脚不可使開中心却要留癰口如錢大使毒氣出如癰漸小隨其大小傅之直俟疽破膿潰之後口收止猶徑寸許却用神異膏貼傅收住却用麥飯石膏



神異膏 治一切瘡疥 <small>按此方原缺今從危 亦林得效方補入</small>	全蝎 <small>七個 去毒</small> 皂角 <small>一錠 挫碎</small> 巴豆 <small>七粒 去殼</small> 蛇床子 <small>三錢</small>
清油 <small>一兩</small> 黃蠟 <small>半兩</small> 輕粉 <small>半字</small> 雄黃 <small>別研 三錢</small>	右先用皂角全蝎巴豆煎油變色去了三味入黃蠟
化開取出冷處入雄黃蛇床末輕粉和勻成膏先	用苦參湯溫洗後以藥擦瘡疥上神效
又神異膏 <small>按此方原缺今從 赤水玄珠補入</small>	黃耆 杏仁 元參 <small>各一兩</small>
欽定四庫全書 <small>集驗背疽方</small>	右用麻油二觔煎至將黑加蛇蛻五錢蜂房一兩男 子髮一團如雞子大再煎至黑去滓徐徐下黃丹 不拘多少得中為度文火熬收
一癰疽既破膿血潰多五日或七日後用神異膏貼傳	若根脚小五日後貼如濶大須七日十日後方可貼
癰疽用藥大綱	此書所著方頗為周備但欲使用藥者不可不知之爾 然人能逐一玩味詳說深思用藥之意臨時看其病證



次第用藥無有不效近時有親舊得此病為愚醫所惑
 或用君臣藥或用草藥其疾益甚痛苦日增然後回心
 杜絕衆醫用愚方問蒙下問但指示三五方與之服餌
 無有不安者今畧書用藥要領與夫先後之序畫一於
 後

一初覺得背疽之疾便合服內托散後來不生變證口
 舌無瘡此藥但可服十數服而止

內托散 大止疼痛如未破即點破有膿按此方原缺今從和劑局

欽定四庫全書

集驗背疽方

方補入

川烏一兩 茯苓三分 苦杖半兩 獨活 白芷

甘草各一兩

右為末每服二錢酒調下日三服

一即合繼服五香連翹湯服此藥如大便寬快內熱既
 省即合住服若一二日之後大便再閉須合再服要取
 利毒氣至盡然後住服亦合看病入虛實諒其輕重而
 進藥



五香連翹湯

木香 二分不見火 沉香 三分不見火 連翹 全者去蒂三分 射干

三分 升麻 三分 黃耆 三分揀無又附者生用 木通 三分去節

甘草 半兩生用 丁香 半兩揀去枝不見火 乳香 半兩別碾 大

黃 兩微炒半別碾 麝 真者一錢半別碾 桑寄生 三分難得真者缺之亦可

獨活 三分買老羌活用今銷家所賣獨活乃是土當歸不堪用

右為麓末和勻每服三大錢水一盞煎至七分去滓

服留滓二服用水二盞再煎作一服積四散滓用

欽定四庫全書

集驗背疽方

水三盞又再煎作一服然後不用其滓一方用銀

器煎藥如無銀器入銀一片同煎內桑寄生一味

最能療病但難得真者如闕用升麻代今已加

升麻若無真桑寄生則升麻分量當倍用

一次合洪氏排膿內補散無嘔逆之證用好酒下有嘔

逆之證合用木香湯下此一藥合與癰疽相為終始服

餌不可輟

化毒排膿內補十宣散

亦名托裏十宣散

治一切癰疽疔瘡



未成者速敗已成者速潰敗膿自出無用手擠惡肉

自去不犯又仗服藥後疼痛減其效如神按此方原缺今從和

劑局方補入

黃耆

以綿上來者為勝狀如箭筈長二三尺頭不

盛湯瓶上一炊久焙燥 人參 以新羅者為上擇

隨衆藥入碾即成細末 當歸 取川中來者擇大片如馬尾狀

淨去蘆薄 厚朴 用梓州者肉厚而色紫搗之油出

焙乾各用二兩 桔梗 以有心味苦者為真無心味乾者薺

欽定四庫全書

集驗背疽方

尾薄切 桂心 用卷薄者古法帶皮桂每兩止取二

焙燥 芎藭 以川中來者為上今多 防風 擇新香

別研不得見火 甘草 用生 白芷 各一

右十味選藥貴精皆取淨曬焙極燥方秤除桂心外

一處搗羅為細末入桂令勻每服自三錢加至五

錢熱酒調下日夜各數服加至五錢服至瘡口合

更服尤佳所以補前損杜後患也不飲酒人濃煎

木香湯下然不若酒力之勝也或飲酒不多能勉



強間用酒調并以木香湯同酒功效當不止於酒也
也大抵癰疽之作皆血氣凝滯風毒壅結所致治
之不早則外壞肌肉攻藏府其害甚大纔覺便服
倍加服數服之醉則其效尤速發散風毒流行經
絡排膿止痛生肌長肉藥性平和老人小兒婦人
室女皆可服之

一嘔逆有二證一證謂其初發時不曾服內托散伏熱
在心一證有氣虛脾氣不正而嘔合子細看病證參酌

欽定四庫全書

集驗背疽方

用藥若是因熱而嘔外證心煩身熱癰作痛此即是伏
熱在心合將內托散伏三兩服而止不可多服若是氣
虛而嘔其證心不煩熱遇早便嘔或聞穢氣亦嘔早晨
合服嘉禾散如有寒熱合服家傳正氣散五更初當服
山藥丸以補其腎

一發背人雖云有熱未有不從腎虛而得之者若疽
疾減退五分之後便合如前法五更初時必須服山

藥丸一劑



論服嘉禾散

按嘉禾散此方原缺

如病人氣弱不進飲食合服嘉禾散於內加白豆蔻仁分兩昨有一貴人苦疽疾醫者用藥失序久而不痊因致虛弱全不飲食愚欲進嘉禾散而諸醫爭言內有丁香發熱不可用殊不知治疽之藥丁香預其一况有因怒氣而發疽今嘉禾散中所用之藥盡是平和益脾胃降氣之藥辨論不勝遲遲數日服他藥無效卒乃用之而病人方能進食自此以後遇早晨住服參苓必進嘉

欽定四庫全書

集驗背疽方

禾散一服疾安而後已

家傳不換金正氣散治背疽先感風寒脾氣不正寒

熱嘔吐

蒼朮

揀黃色不爛者先用米泔汁浸夏秋半日春冬一日淨洗再用新汲水浸一宿削去黑皮

厚朴

揀紫色者削去麤皮及中間一重黑

厚朴

心如紙厚要剉三寸長劈作薄片每厚朴五兩淨用生薑五兩淨連皮薄切擣爛同淹一宿以文武

厚朴

火翻覆炙五六次炙至薑滓焦黑刮去薑不用只用厚朴細剉取四兩淨再用薑四兩連皮薄切擣

甘草

入銚內用文武火炒至乾用細剉取二兩



淨 陳橘皮 買真橘皮以水浸三時久洗去黑塵
掠去肉白筋與瓢剉焙取三兩淨

右四味同為一處再入火內文武火微炒一次却用

紙盛於木板上出火毒

半夏

湯泡七次削去黑臍細剉焙乾碾為細末以
生薑自然汁和作薄餅子安文武火上炙至

黃熟為度
取二兩淨

藿香

去枝杖取葉用以水淨洗去沙
塵有日曬乾無日以微火焙二

兩
淨 人參

一兩去頂
細剉焙

木香

一兩濕紙裹煨至紙
乾為度去紙細剉

白茯苓

一兩去
黑皮封

右將前四味已炒藥續入後五味半夏藿香等不炒

欽定四庫全書

集驗背疽方

同一處碾羅為細末二錢水一盞生薑錢三片棗

一枚同煎至八分臨熱入鹽少許溫服無時

論服不換金正氣散

近時有數人病背疽服前方藥餌未安之間遍身寒熱

或先寒後熱或先熱後寒連日作或間日作必先嘔痰

然後寒熱寒熱後大汗然後止時醫多欲用柴胡牡礪

止汗之藥又有以為瘧疾欲下恒山飲子愚力辯云背

疽之後不可專以為有熱亦有氣虛而得之亦有因怒



此藥淋洗	豬蹄湯 治癰疽腫壞消毒氣去惡肉凡有瘡口便用	後間日洗欲安之際三日一洗	欽定四庫全書	一癰疽纔破有口便合用豬蹄湯洗其初連日洗五日	藥三日寒熱自退嘔吐不作寒熱自止	服排膿內補散以木香湯易酒不欲引嘔吐故也服此	不換金正氣散祛寒邪正脾氣痰飲自消寒熱不作兼	發吐痰大損脾胃用藥如此可為誤謬愚但令服家傳	瀉其子牡礪澁氣氣血已不榮運又服澁氣恒山飲子	氣不正痰盛而有此證若下柴胡必瀉肝母既虛而又	氣并血氣凝滯而得之其所以發寒熱者先感寒邪脾
香白芷 <small>不見</small>	甘草 <small>生用</small>	獨活 <small>用老</small>	黃芩 <small>去心</small>	赤芍藥 <small>去皮</small>	當歸 <small>去蘆洗</small>	露蜂房 <small>取有蜂兒者用</small>	末 <small>麤</small>	右先將豬蹄前蹄兩隻一斤只用白水三升煮軟將	汁水兩次澄清去上面油花下面滓肉每次用藥		



麤末一兩投於汁中再用文武火煎十數沸濾去滓以故帛醮藥湯溫溫徐徐薄揩瘡上死肉惡血隨洗而下淨洗訖以故帛拭乾仍避風忌人口氣吹之有狐臭人并月經見行婦人猫犬並不令入病人房洗瘡切弗以手搖著洗疽之方所傳三四十用之止此一方極神效內所用露蜂房最有理謂其以毒攻毒也

一治背疽初作根脚濶大如枕未有尖頭尋灸穴法凡

欽定四庫全書

集驗背疽方

覺背上腫咽疼痛用濕紙貼腫上看先乾處是頭碾大蒜十頭入淡豉半合乳香一塊如龍眼大細碾隨瘡頭大小用竹片作圈子竹片濶二分許隨其大小頓在瘡頭上將所碾藥填平鋪艾灸之疼處以癢為度癢處以痛為度亦以百壯為準

一疽疾將安之際宜多服加料十全湯以補其氣血使易生肌肉也

加料十全湯 治癰疽後補氣血進飲食疽疾將



安及七八分便當服此藥每日與排膿內托散相間服

黃耆 揀不用義附及蛀者剉作二寸長截拍匾以

乾蕝地黄 濕潤瓦器盛蓋於飯甑上蒸曬如酒

七次剉焙二 當歸 去蘆淨洗取自頭至中心

留合 川芎 剉微 人參 去頂 白茯苓 去黑皮

甘草 炙 白芍藥 揀有皮者買無皮是 肉桂

剉去麤皮 天台烏藥 如無真者買隆興 白

欽定四庫全書 集驗背疽方

朮 用米泔浸半日剉到小指頭大方塊焙乾再用

陳皮 不用沙將梘子皮 真北五味子 核如

形肉微黑苦味重者是土五味子不堪用已上十一

味各 半兩

右各乾淨稱剉作散和勻每服藥一兩用水一碗

生薑五片北棗二枚同煎至八分椀濾去滓取清

汁分作兩服留滓曬乾碾羅為細末後來常服

水一盞生薑三片棗一枚煎至八分服之



一前後病背疽人多是先發渴而後發背疽不然背

疽安而後發渴疾因此不救者甚多若有渴疾人則合

專服加減八味丸能使渴疾既安疽疾不作若驟得背

疽之疾既安之後不論有無渴證便合常服加減八味

丸非特可以杜渴疾之將來亦且大能增益氣血生長

肌肉使精神強健此乃累試獲驗

加減八味丸 治癰疽後合服補藥若用峻補之藥則

發熱又况癰疽既安之後多傳作渴疾不可治療當預

欽定四庫全書

集驗背疽方

服此藥如能久服永生渴疾氣血和壯未發疽人或

先有渴證亦合服此藥渴疾既安疽亦不作

乾熟地黄

如法揀好者買製
度過焙到二兩

真山藥

細到
微炒

山萸肉

去核取肉焙乾
二味各一兩

肉桂

味辛辣薄者買削去麤皮到不見
火用一兩別研取半兩淨末和入

衆藥餘竄
淨仍勿用

澤瀉

水洗剉作塊無灰酒濕瓦
器乘蓋甑上蒸五次剉焙

牡丹皮

去
心

枝杖
剉炒

白茯苓

去黑皮剉焙已
上三味各八錢

北真五味子

揀去枝杖
煨火炒至

透不得傷火一兩半別研羅和入衆藥
此一味最要真者其詳已著十全湯內

右研羅為細末煉蜜候冷和丸如梧桐子大每服三



十丸空心無灰酒或鹽湯送下

論渴疾本原

有一貴人病疽疾未安而渴作一日飲水數升愚遂獻此方諸醫失笑云此藥若能止渴我輩當不復業醫矣諸醫盡用木瓜紫蘓烏梅參苓百藥煎等生津液止渴之藥服多而愈渴甚數日之後茫無功效不得已而用此藥服之三日渴止因此相信遂久服之不特渴疾不作血氣益壯飲食加倍強健過於少壯之年蓋用此藥

欽定四庫全書

集驗背疽方

非愚敢自執鄙見實有源流自為童兒時聞先君言有一士大夫病渴疾諸醫遍用渴藥治療累載不安有一名醫誨之使服加減八味丸不半載而疾痊因疏其病源云今醫多有醒脾生津止渴之藥誤矣其疾本起於腎水枯竭不能上潤是以心火上炎不能既濟煎熬而生渴今服八味丸降其心火生其腎水則渴自止矣復疏其藥性云內真北五味子最為得力此一味獨能生腎水平補降心火大有功效家藏此方親用有驗故敢



詳著之使有渴疾者信其言專志服餌而取效無為庸醫所惑庶廣前人製方濟惠意

癰口將收論

一癰口將收之際最忌用急澁斂口之藥只宜用神異膏貼多見昧者立說破此一段不過病者厭於將理醫者急欲獲利不思毒氣發泄未盡其疾再來人命自此不救

癰久瘡口不合論

欽定四庫全書

集驗背疽方

一治癰久而瘡口不合其肉白而膿血少此為瘡口冷滯乃病人氣血枯竭不潮於瘡故致如是合用北艾湯洗神異膏貼多服排膿內補散每日用好北艾葉一把入瓦器內濃煎湯避風處乘熱用艾湯澆洗瘡口四圍淨肉以舊絹帛兜艾葉乘熱沃澆一日一次洗了須避風仍燒松香以煙熏瘡口良久用神異膏貼之其瘡不可與厭穢之人見若不能禁忌瘡口難安藥亦無救一病癰疽之人適被庸醫用毒藥掩蓋或以針刀傷割



<p>不能生肌肉瘡口不合切不可用急澀斂口藥當只用 豬蹄湯北艾湯相間洗以神異膏貼之并服排膿內補 散</p>		<p>一前方但是居於州縣間有力者能及之若適在鄉原 與夫無力以市藥者只可用鷺鷥藤酒一方終始服餌 俟其疽破即以神異膏貼之然神異膏所用藥材皆非 貴細難得之藥前後用此以醫田夫野老百發百中</p>		<p>大川烏丸 治發背活經絡生肌肉</p>		<p>欽定四庫全書 集驗背疽方</p>		<p>大川烏 <small>生去皮尖</small> 當歸 赤芍藥 蘇木 <small>對炒</small> 沒藥</p>		<p><small>生用一兩</small> 乳香 <small>一兩</small> 穿山甲 <small>用蚌粉炒脆</small></p>		<p>獨活 <small>合用老羌活今舖中所賣獨活乃土當歸不可用二兩</small></p>		<p>右為細末和勻酒煮麪糊為丸梧桐子大溫酒下三 十丸空心下</p>		<p>二烏丸 治發背托裏定痛驅風毒涼血脉</p>		<p>羌活 <small>去苗</small> 薄荷葉 <small>三兩</small> 川芎 <small>以上各不見火</small></p>		<p>地榆 麻黃 <small>去節</small> 防風 <small>去蘆</small> 天麻 白芷</p>	
--	--	--	--	-----------------------	--	--	--	---	--	--	--	--	--	--	--	--------------------------	--	--	--	---	--



<p>白殭蠶 <small>用直者去絲足口</small></p> <p>牛旁子 <small>炒</small></p> <p>蔓荊子 <small>去蒂并白膜</small></p>	<p>旋覆花 <small>去萼</small></p> <p>荊芥穗 <small>各二兩</small></p> <p>甘菊花 <small>三兩</small></p> <p>何首烏 <small>四兩</small></p>	<p>大川烏 <small>生四兩</small></p> <p>甘草 <small>炙四兩半</small></p> <p>蟬退 <small>去足半兩</small></p>	<p>右為細末煉蜜丸如彈子大每服一丸細嚼茶清任下食後服</p>	<p>退毒下膿漏蘆湯 治疽作二日後與五香連翹湯相間服之</p>	<p>黃耆 <small>生用</small></p> <p>連翹 <small>各一兩</small></p> <p>大黃 <small>一分微炒</small></p> <p>漏蘆 <small>一兩有白茸者</small></p>	<p>欽定四庫全書</p> <p>集驗背疽方</p>	<p>甘草 <small>半兩生用</small></p> <p>沉香 <small>一兩</small></p>	<p>右為末薑棗湯調下此二方連日相間服乃宣毒之藥覺毒盡住服</p>	<p>參苓順氣散 治病癰疽人進飲食健脾</p>	<p>烏藥 <small>一兩半</small></p> <p>人參 <small>一分</small></p> <p>茯苓 <small>白者一分</small></p> <p>青皮 <small>去白半兩麸炒</small></p>	<p>甘草 <small>半兩炙</small></p> <p>真紫蘘子 <small>二錢半微炒</small></p>	<p>右為細末每服藥末二錢水一盞薑棗煎至八分早晨空心溫服煎藥不用紫蘇能發熱動氣當用老</p>
---	--	---	---------------------------------	---------------------------------	--	----------------------------	---	-----------------------------------	-------------------------	--	---	--



薑連皮使	梔子黃芩湯 治發背瘡潰後因飲食有傷調攝不到發熱不住用以退熱	漏蘆 連翹 山梔子仁 黃芩 <small>去心各二兩半</small>	黃耆 <small>生用一兩</small> 防風 石韋 <small>合使桑白皮自取者</small> 甘草 <small>生</small>	犀角 <small>生用</small> 人參 苦參 白茯苓 <small>各二錢</small>	右以上為麤末每服四錢水一中盞煎至六分去滓	溫服	欽定四庫全書 集驗背疽方	蚣蝎散 治癰疽瘡口小而硬貼膏藥而膿不來此為風毒所勝	赤足蜈蚣 <small>一條去頭足生用</small> 全蝎 <small>三箇去丁爪要</small>	木香 <small>一錢</small>	右為細末每用時先以豬蹄湯藥洗疽了以此藥一字許糝於膏藥錢上近瘡口處貼其效如神每用神異膏合先量疽大小塗在紙花上了却用此藥糝於膏藥上要使先到瘡故也若瘡口闊大及不
------	-------------------------------	-------------------------------------	--	---	----------------------	----	-----------------	---------------------------	--	----------------------	---



硬則不必用此

內托黃耆丸 治因用鍼砭傷其經絡白膿赤汁逗流
不止

黃耆 八兩 生用 當歸 二兩 洗焙 肉桂 去麤 皮 木香 乳

香 別 研 沉香 以上四味 各一兩

右為細末用菴荳粉四兩生薑自然汁煮糊丸如梧
桐子大每服五十九丸溫熱水下不拘時候

沉麝湯 治發背疽之人生肌斂口不得用躁急之藥

欽定四庫全書

集驗背疽方

只合用麥飯石膏塗續用好膏貼之瘡口自然斂合如
醫治後時為庸醫用毒藥掩蓋或刀割傷內血重者兼
服此

木香 麝香 沉香 藿香葉

連翹

右等分為細末每二錢水一盞煎至七分溫服無時
疽疾既已先服取毒之藥又用麥飯石膏塗貼五
七日後病漸減退合服大川烏丸二烏丸驅除餘



毒活氣血生肌肉排宿膿去風邪又合服洪氏內
補散多服為妙

立效散 治發背及諸癰疽并瘰癧有效

皂角刺

半兩揀去枯者細剉炒
赤色為度須耐久炒

甘草

二兩合
生用

瓜蘇

五箇去皮取肉并仁
研炒黃乾者不必炒

乳香

半兩別
研和入

沒藥

一兩別
研和入

右五味為末每服二錢酒調下乳癰與前方間服神

妙神妙

欽定四庫全書

集驗背疽方

忍冬丸 療病既愈須預防發癰疽宜服

忍冬草

左纏藤是也不以多
少根莖花葉皆可用

右以酒於瓶內浸以糠火煨一宿取出曬乾入甘草

少許為末以所浸酒為糊丸如梧桐子大每服五

十九至百丸酒飲任下不拘時

治一切癰毒癰疽將結則散已聚則破已破痛不可忍

者貼之則寬止痛神效不可具述

案以下所製方
皆不另立方名

無鹽桃末

皂角末

白芷末

荊芥末



草烏頭末

右等分用米醋調貼四圍留中蜜調亦得

癰疽不可膏藥貼合論

治些小癰癤結而未成不可用膏藥貼合以藥塗使內

自消每用生取鹿角尖於砂盆內同老米醋今俗呼黃

子醋濃磨時以鷺翎塗拂於癰癤四圍當中留一口遇

乾再塗一二日即內消每覺有些小癰癤疼痛發熱時

便用生甘草節不多不焙用日曬乾若無日焙於籠蓋上

欽定四庫全書

集驗背疽方

微火碾為細末以熱酒調二三錢服連進數服疼痛與

熱皆止

治癰疽結未成并氣血凝滯腫結成塊者用吳茱萸微

炒碾為細末雞子清調塗神妙疾輕者宜用此

治乳癰發背神方

金銀花

一名忍
寒草

右採葉研為滓每用不限多少納甕瓶中入水用文

武火濃煎臨熟入好無灰酒與藥汁相半再煎十數



沸濾滓時時服之留滓焙乾碾羅為細末酒煮麪
糊為丸梧桐子大每服三十九空心溫酒下丸藥
俟疾稍退可以常服蓋其力輕甚故也

預防癰疽方服此藥可以終身無此疾

綿黃耆

七兩揀如箭桿樣性軟者用去蘆并又附
不用一半生使細挫焙乾一半剉作寸長

截搥匾

以蜜水浸潤濕瓦器盛蓋

於飯甑上蒸三次取出焙乾剉碎

粉草

去節并
去皮取

一兩半淨將一半生細
剉焙一半炙黃剉焙

右二味碾為細末每服二錢早晨日午白點湯當湯

欽定四庫全書

集驗背疽方

水服夜候飲酒初盃用藥調服若平日能如此常

服之終身不患癰疽之疾

案以上各方不見於諸論中今總集之附於諸論

之後

括蘇散 治婦人乳疽妳勞神效

今俗呼妳勞
即此疾之漸

括蘇

一箇去皮焙研為末急
用只爛研子多者有力

當歸

淨洗去蘆焙
細剉半兩

甘草

半兩細
剉生用

通明沒藥

一分
別研

乳香

一錢
別研

右用無灰酒三升同於銀石器中慢火熬取一升清汁



分作三服食後良久服如有妳勞便服此藥可杜
絕病根如毒已成能化膿為黃水毒未成即於大
小便中通泄疾甚再合服以退為妙婦人乳疽方
雖多獨此一方神效無比萬不失一

腦疽不可灸引其氣一上痰涎膿血併起上攻傾人性
命急於反掌但當急灸三里穴并氣海漸漸服涼胸膈
化血之藥人可小安此說載通神方論腦疽咽喉生疽
古法皆不治之證此灸法引毒氣歸下其理頗長得此

欽定四庫全書

集驗背疽方

疾者豈可坐受其斃當信而用之

案以上二方一治腦疽一治乳疽皆與背疽無涉
以其為李氏之書故併附於此

